

Hao blong yusum Emploimen Sapot Sevis blong Pacific Engagement Visa (PEV)

The Australian Government i setemap wan fri sapot sevis long wanwan kantri we i pat long program ia blong hem i helpem olgeta we oli bin aplae mo oli bin selektem olgeta tru long ballot blong oli save faenem wan wok long Ostrelia. Sevis ia oli givimaot blong helpem yu blong mitim ol rul blong PEV long saed blong wok. Plis ridim pepa ia blong andastanem gud sevis we oli stap givimaot.

? Wanem ia Emploimen Sapot Sevis blong PEV?

Emploimen Sapot Sevis blong PEV hem i givimaot ol tul mo tingting blong helpem yu blong andastanem ol wok we i stap long Ostrelia (job market), blong bildimap ol skil blong yu blong helpem yu lukaotem wan wok, mo blong konektem yu wetem ol emploia long Ostrelia.

✓ Sapot we oli stap givimaot

Oli stap givim ol kaen sapot olsem:

- Mekem yu rere long wok mo save long kalja long wokples – oli helpem yu faenem wan wok long Ostrelia mo andastanem fasin blong wok long Ostrelia (kalja long wokples).
- Bildimap konfidens blong yu blong lukaotem wok – oli givimaot ol webinar onlaen blong helpem yu blong save hao blong lukaotem wok, hao blong toktok long ol emploia, save gud long ol step long proses blong lukaotem wok, mo hao blong dil wetem ol jalens we bae yu save fesem.
- Konek wetem ol emploia – konektem yu wetem ol stret emploia long Ostrelia.
- Ol infomesen sesen (ol storian) long saed blong emploimen – oli givimaot infomesen long saed blong ol wok we i stap long Ostrelia, ol opotuniti blong kasem wok long ol difren ples long Ostrelia, sapot blong yu save mekem wan resume (CV) mo leta

blong aplae long wok (cover letter), mo hao blong rere long wan intaviu blong wok.

- Ol infomesen sesen (ol storian) long saed blong emploimen – oli givimaot infomesen long saed blong ol wok we i stap long Ostrelia, ol opotuniti blong kasem wok long ol difren ples long Ostrelia, sapot blong yu save mekem wan resume (CV) mo leta blong aplae long wok (cover letter), mo hao blong rere long wan intaviu blong wok.

✈ Kontaktem Emploimen Sapot Sevis blong PEV

Hao kasem Emploimen Sapot Sevis blong PEV:

✉ Sanem wan imel i kam long mifala long employment@pevsupport.com.au

💬 Saenap blong tekpat long wan Emploimen Sapot Sesen long pev.gov.au

✈ Rod blong wan apliken (man we i aplae)

Hemia ol jenerol infomesen long rod blong wan apliken sapos hem i stap kasem sapot long Emploimen Sapot Sevis blong PEV. Be maet rod blong yu i difren. Hem i dipen long wanwan man. Hem i from se Emploimen

Sapot Sevis blong PEV hem i fleksibol - oli stap givimaot ol difidren kaen sapot folem wanem we yu nidim, mo oli save pasem o ripitim samfala step long rod ia.

- 1 Oli bin pasem apliken blong hem i save pat long program**
- 2 Apliken i atendem wan Sesen blong Visa Aplikesen**
- 3 Apliken i atendem wan webinar onlaen we oli kolem Introdaksen long Emploimen Sapot Sevis**
- 4 Oli pasem apliken i go long ol nekis step: Fom blong Praevisi mo Konsent**
- 5 Apliken i atendem wan webinar onlaen long saed blong Tulkit blong Rere long Wok**
- 6 Apliken i komplitim wan Kwestenea blong Apliken**
- 7 Apliken i pas tru long proses blong emploimen. Oli statem proses blong faenem wok blong apliken**
- 8 Apliken i kasem sapot long saed blong ol intaviu, ol jek we oli mekem bifo oli givim wok, mo ol kontak blong wok**
- 9 Apliken i atendem wan Pri-Dipaja Infomesen Sesen**

Emploimen Sapot Sevis blong PEV i stap blong givimaot gaedens mo sapot truaot long proses blong ol aplikesen blong yu. Nomata se mifala i save konektem yu wetem ol emploia blong Ostrelia, i gud blong yu gohed blong aplae long ol wok yuwan. Wetem hadwok blong yu mo sapot blong mifala, yu save faenem wan gudfala wok mo rere long laef blong yu long Ostrelia.



Taem we i tekem blong ansarem yu

- Afta we yu kontaktem Emploimen Sevis blong PEV tru long imel, bae yu risivim wan otomatik ansa i kambak we i talem se mifala i bin kasem imel blong yu mo bae mifala i ansa bifo long 7 wok dei i pas. Plis kontaktem mifala bakegen sapos yu no harem long mifala afta long taem ia.
- Afta we yu komplitim Kwestenea blong Apliken blong mifala, bae mifala i kontaktem yu taem oli faenem wan stret wok blong yu. Taem yu stap wet long hemia, mifala i enkarajem yu blong gohed blong aplae long ol narafala wok yuwan.



Yu save kasem moa infomesen long saed blong Emploimen Sapot Sevis blong PEV long websaet ia: pev.gov.au

Long websaet blong mifala, yu save faenem moa risos, olsem ol pepa blong infomesen long saed blong emploimen mo ol templet blong mekem wan resume (CV). Mo tu yu save saenap long ol Emploimen Infomesen Sesen blong lanem moa long saed blong hao blong lukaotem wok long Ostrelia.

